

ՉԱՐԻՔԷ ԵՒ ՉԱՐ ՄԱՐԴՈՑՄԷ
հեռու մնալու համար կարգալ
հետեւեալ սաղմոսները.

Չար մարդոցմէ զիս ազատէ՛ Տէր, զիս հեռու պահէ անխիղճ մարդոցմէ, որոնք իրենց սրտին մէջ չարիք կը նիւթեն եւ կռիւ հանելու պատրաստ են միշտ: Ամբարիշտներէն պահպանէ՛ զիս Տէր: Չիս հեռու պահէ անխիղճ մարդոցմէ, որոնք կը խորհին ամէն մէկ քայլս խափանել: Տիրոջ ըսի. «Իմ Աստուածս ես դուն: Լսէ՛, Տէր, իմ աղաչանքս: Դուն իմ հօգօր փրկիչս ես, Տէր, իմ Տէրս: Պատերազմի ժամանակ, գլուխս պաշտպանող Սաղաւարտն ես: Ամբարիշտ մարդոց ցանկութիւնները մի՛ կատարեր, Տէր, անոնց չար խորհուրդները յաջողութեամբ մի՛ պսակեր, որպէսզի չհպարտանան:»

Անիրաւ խօսքերով զիս պաշարող մարդիկ իրենց իսկ խօսքերով թող կործանին: Հրավառ կայծեր թող թափին անոնց վրայ, թող որ կրակը ձգուին, թող դժոխքին խորը ձգուին, ուրկէ ա՛լ չեղլեն բնաւ:

Չարախօս մարդը յաջողութիւն թող չգտնէ՛ կեանքին մէջ, անխիղճ մարդուն չարիքները թող զինք կործանեն:

Գիտեն, որ դուն Տէր կը պաշտպանես աղքատին դատը, ջրատրին իրաւունքը: Ահա թէ ինչու արդարները պիտի գովերգեն քեզ, ուղիղ վարքով ապրող մարդիկը ներկայութեանդ պիտի բնակին:

(Սաղմոս 140)

ԱՄԷՆ ԻՆՉ ՑՈՅՑ ՏՈՒՈՂ
ՀԱՅԵԼԻՆ

Երանի թէ Աստուած իւրաքանչիւր մարդու սրտին վրայ դրած ըլլար հայելի մը, որ կարենար ցոյց տալ մարդուն սրտին ներքին ծալքերը եւ հոգիին ամէնէն խորունկ տեղերը, եւ որքա՛ն պիտի զարմանալինք տեսնելով անչափ դառնութիւն, եսասիրութիւն ու նախանձ այդտեղ: Նման հայելի մը առայժմ չկայ: Բայց լաւ իմացիր սիրելի ընթերցող, որ այդ հայելին հանդէս պիտի գայ դատաստանի օրը, անհամար թիւով մարդոց ներկայութեան: Այդ հայելին Քրիստոսի դատաստանն է: Երբ մարդոց միջեւ երեւնանք՝ կրնանք ծածկել մեր նկարագիրը: Երբ մարդոց հետ խօսիմք՝ կրնանք խեղաթիւրել նշմարութիւնը: Բայց երբ կանգնինք ամենատես ու ամենագէտ Դատաւորին առջեւ, հոն ալ արդեօք պիտի համարձակի՞մք սուտով ծածկել նշմարութիւնը, կամ պիտի յաջողի՞մք սիրոյ սաւանին տակ ծածկել ատելութեան մաղձը:

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու քանկալին մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,
P.O.Box 80810 -Tel/Fax:01-258300- [facebook-ի էջ jerak ճրագ թերթ](#)



ՔՈՒ ԽՕՍԵՂ ԽՄ ՈՏԹԵՐՈՒՄ ԵՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 9 ԴԵԿՏԵՄԲԵՐ 2018 ԹԻԻ 49

ԿԻՐԱԿԻ ՕՐԵՐՈՒ ԱՍՏՈՒՄՏԱՆՉԱԿԱՆ ԸՆԹԵՐՑՈՒՄՆԵՐ
Ես.37.14-38: Ա. Թս. 1.1-12:
ՅԻՍՈՒՄ ՔՐԻՍՏՈՍԻ ԱՒԵՏԱՐԱՆԸ ԸՍՏ ԴՈՒԿԱՍՈՒ 14.12-24

Ապա Յիսուս տանտիրոջ ըսաւ. «Երբ ճաշի կամ ընթրիքի հրաւեր կու տաս, մի՛ կանչեր բարեկամներդ կամ եղբայրներդ, որպէսզի չըլլայ որ անոնք ալ քու հրաւերիդ փոխարէն քեզ հրաւիրեն, եւ այս ձեւով քեզի հատուցում կատարած ըլլան: Ընդհակառակը, երբ ընդունելութիւն կը սարքես, կանչէ՛ աղքատներն ու խեղանդամները, կաղերն ու կոյրերը եւ այն ատեն երանելի պիտի ըլլաս, որովհետեւ անոնք քեզի փոխարէնը՝ հատուցանելիք ոչինչ ունին եւ գիտցած եղի՛ր, որ քու հատուցումդ պիտի ստանաս արդարներու յարութեան ժամանակ»:

Երբ սեղանակիցներէն մէկը այս խօսքերը լսեց, Յիսուսի ըսաւ. «Երանի անոր, որ Աստուծոյ արքայութեան մէջ ճաշ պիտի ուտէ»:

Յիսուս անոնց հետեւեալ առակը պատմեց. «Մարդ մը կար, որ մեծ ընթրիք մը սարքեց եւ շատեր հրաւիրեց: Ընթրիքի ժամուն, իր ծառան ղրկեց, որպէսզի հրաւիրեալներուն ըսէ. «Եկէ՛ք, ամէն ինչ պատրաստ է»: Հրաւիրեալները սկսան մէկ առ մէկ հրաժարիլ: Առաջինը ըսաւ. «Ազարակ գնեցի. պէտք է երթամ եւ տեսնեմ զայն. հետեւաբար կը խնդրեմ, որ ներողամիտ գտնուի»: Միւսը ըսաւ. «Հինգ զոյգ եզ գնեցի. պէտք է երթամ փորձեմ զանոնք. հետեւաբար կը խնդրեմ, որ ներողամիտ գտնուի»: Ուրիշ մը ըսաւ. «Տակաւին նոր ամուսնացայ. հետեւաբար չեմ կրնար գալ»: Ծառան վերադարձաւ եւ իր տիրոջ պատմեց անոնց ըսածները: Այն ատեն, տանտէրը վրդոված ծառային ըսաւ. «Անմիջապէս քաղաք գնա՛ եւ հրապարակներուն ու փողոցներուն մէջ որքան որ աղքատ, խեղանդամ, կաղ եւ կոյր տեսնես, բոլորն ալ հոս բեր»: Քիչ ետք, ծառան վերադառնալով իր տիրոջ՝ ըսաւ. «Տէ՛ր, հրամանդ կատարեցի, բայց տակաւին տեղ կայ»: Տէրը ծառային հրամայեց. «Քաղաքէն դուրս գնա՛ եւ ճամբաներուն վրայ ու դաշտերուն մէջ որու որ գտնես, ստիպէ՛ որ գայ, որպէսզի տունս լեցուի: Կ'ըսեմ ձեզի, որ առաջին հրաւիրեալներէն ո՛չ մէկը ինձի հետ ընթրիքի պիտի նստի»:

ԿԻՐԱԿՆՕՐԵԱՅ ՃԱՇՈՒ
ԸՆԹԵՐՅՈՒԱԾ

ՊՕՂՈՍ ԱՌԱՔԵԱԼԻ ԵՐԿՐՈՐԴ
ՆԱՍԱԿԸ
ԹԵՍԱՂՈՆԻԿԵՑԻՆԵՐՈՒՆ
1.1-12

Մենք՝ Պօղոս, Սիդուանոս եւ Տիմոթէոս, կը գրենք անոնց՝ թեսաղոնիկեցիներու եկեղեցիին, որ մեր Հօր Աստուծոյ եւ Տէր Յիսուս Քրիստոսի կը պատկանի: Թող Աստուած մեր Հայրը եւ Տէր Յիսուս Քրիստոս շնորհիք եւ խաղաղութիւն պարգեւեն անոնց:

Եղբայրներ, պարտք կը գգանք եւ արդար կը գտնենք անոնց համար միշտ գոհութիւն յայտնել Աստուծոյ, որովհետեւ անք հաւատքը հետզհետեւ աւելի կ'անի եւ անոնք իւրաքանչիւրին սէրը իրարու հանդէպ աւելի կը խորանայ: Աստուծոյ եկեղեցիներուն մէջ մենք կը պարծենանք անոնով, այն համբերութեան եւ հաւատքին համար, որ դուք ցուցաբերեցիք անք կրած բոլոր հալածանքներուն եւ նեղութիւններուն մէջ: Ձեր այդ համբերութիւնը եւ հաւատքը ապացոյց պիտի ըլլան Աստուծոյ արդար դատաստանին, որովհետեւ դուք արժանի պիտի ըլլաք Աստուծոյ արքայութեան, որուն համար այդքան կը տանջուիք: Արդարեւ, Աստուծոյ համար արդարութիւն պիտի ըլլայ անոնց չարչարողները տանջանքով պատժել, իսկ անոնք՝ տանջուածներուդ, հանգիստ պարգեւել մեզի հետ միասին, երբ մեր Տէրը Յիսուս հրեշտակներու իր բանակով երկինքէն յայտնուի:

Անիկա բոցավառ կրակով պիտի պատժէ անոնք՝ որոնք կը մերժեն զԱստուած քանչեւ եւ հնազանդի մեր Տիրոջ Յիսուս Քրիստոսի աւետարանին: Այն օրը այդպիսիները յաւիտեանական մահուամբ պիտի պատժուին, զրկուելով Տիրոջ ներկայութենէն եւ անոր փառաւոր գօրութենէն, երբ անիկա գայ իր սուրբերուն մէջ փառաւորուելու եւ բոլոր իրեն հաւատացողներուն հիացումին առարկայ ըլլալու: Այն օր պիտի գիտնաք թէ ո՞րք եք ինչ որ յայտնեցիք անոնց: Ահա թէ ինչու միշտ կ'աղօթենք անոնց համար, որպէսզի Աստուած անոնց արժանի ընէ այդ կոչումին, իր գօրութեամբ կատարէ անք բոլոր բարի փափաքները եւ արդիւնաւորէ անք հաւատքը, որպէսզի անոնք փառաւորուի մեր Տիրոջ Յիսուս Քրիստոսի անունը, եւ դուք փառաւորուիք իրմով, մեր Աստուծոյն եւ Տիրոջ Յիսուս Քրիստոսի պարգեւած շնորհովը:

ԱՂՕԹՔ
Մի՛ յապաղիր ողորմելու ինձի, Տէ՛ր: Առանց Քու ներգործութեանդ բարին երբեք չի գործեր իմ մէջս, եւ սերմանաւոր չի բուսնիր հոգիս անդատանին մէջ, որովհետեւ իմ մէջս նետուած Քու խօսքիդ սերմը, քաղեց չար թշնամին, եւ բուսածը չորցաւ տապէն, իսկ միւսը, փուշերուն մէջ իյնալով, խեղդուեցաւ ու չորցաւ:
Տէ՛ր, լծէ աչքերս, ինչպէս մշակը ամուլին, որ անդադար արտասուագոյ պաղատիմ Քեզի արժանի ըլլալու Քու ողորմութեանդ: ԵՓՐԵՄ ԱՍՈՐԻ

ՍՈՒՐԲԵՐ ԵՒ ՏՕՆԵՐ

**ՍՐԲՈՅՆ՝ ՄԻՆԱՍԱՅ,
ԵՐՄՈՂԻՆԵԱՅ, ԵՒԳՐԱՓՈՍԻ ԵՒ
ԿԱՄԱԽՈՐ ԱՂՔԱՏԱՅՆ՝
ՅՈՎՀԱՆՆՈՒ ԵՒ ԱԼԷՔՍԻԱՆՈՍԻ**

Մինաս, Երմոզինէս եւ Եւզրափոս վկաներ 4-րդ դարուն, Մաքսիմիանոս կայսր, իր իշխանութեան տակ գտնուող խռովայոյց Աղեքսանդրիա քաղաքը խաղաղեցնելու համար կը դրկէ Մինաս անունով ճարտասան եւ իմաստուն մարդ մը, որ իր առաքելութեան մէջ յաջողելով, կառավարիչ կը նշանակուի կայսրին կողմէ: Ան իր հետ Աղեքսանդրիա կը տանի նոյնպէս իմաստուն իր քարտուղարը՝ Եւզրափոս անունով:

Մինաս գաղտնաբար քրիստոնեայ հաւատացեալ մըն էր, սակայն իր ցուցաբերած բարեկամութիւնն ու օգնութիւնը հանդէպ քրիստոնեաներուն, առիթ կը հանդիսանան որպէսզի Աղեքսանդրիոյ մեծանուն հեթանոսները բացայայտեն անոր քրիստոնէութիւնը եւ կայսրին դիմելով գահընկեց ընեն զինք:

Կայսրը Մինասին տեղ Աղեքսանդրիոյ կառավարիչ կը նշանակէ Երմոզինէս անունով նոյնպէս Աթենացի, իմաստուն եւ ճարտար մարդ մը, որ փոխարինելով Մինասը, յաճախ կը փորձէր ուրացուլթեան հրաւիրել նախկին կառավարիչը ու հեթանոսութեան դարձնել զայն: Ան նոյնիսկ կտրել կու տայ Մինասին լեզուն եւ աչքերը փորելով բանտ կը նետէ զայն: Սակայն երբ յաջորդ օրը Մինաս հրաշքով բժշկուած դուրս կու գայ բանտէն, Երմոզինէս կը զղջայ եւ ինք եւս դարձի կու գայ ու քրիստոնեայ կը մկրտուի: Այս լսելով կայսրը դատի կը կանչէ երկուքը, որոնց հետ նաեւ Եւզրափոս քարտուղարը:

Երեքն ալ չարչարանքներու կ'ենթարկուին եւ քաջաբար կը տուան, պաշտպանելով իրենց հաւատքը: Ապա կայսրը չհանդուրժելով Եւզրափոսի անարգանքին, որ համարձակ կը խայտառակէր զինք իրենց ամուր հաւատքէն հրաժարեցնել չկարենալուն համար, նախ կը սպաննէ քարտուղարը եւ ապա կը գլխատէ Մինաս ու Երմոզինէս վկաները, որոնք նահատակուելով Քրիստոսի անունին համար, արժանի կը դառնան Աստուծոյ Արքայութիւնը ժառանգելու:

Ինչո՞ւ համար Աւետարան կարդացած ատեն մոմեր կը բռնենք ու կը խնկարկենք

Օրէնքի խորհուրդ է, որովհետեւ երբ Աստուած Մինա լերան վրայ իջաւ, որոտումներ, փայլակատումներ, փողերու հնչումներ եւ ծուխեր եղան եւ Մովսէսի միջոցաւ Իսրայէլացիներուն տուաւ օրէնքը: Նոյնպէս, Նոր Ուխտի օրէնքը կը նկարագրէ, օրթի, պուսխումէ, բուրվառի ձայնը՝ փողերու հնչիւններուն խորհրդանիշ, մոմերը՝ հուրի, խոնկը՝ ծուխի: Սարկաւազը՝ որ Մովսէսի խորհրդանիշն է, նախ ծածկաբար քահանային դիմաց կը կարդայ եւ անկէ սորվելով, կը դառնայ դէպի ժողովուրդը ու բարձրաձայն կը կարդայ: Աւարտելէն ետք ժողովուրդը կրկին անգամ Աստուծոյ փառք կու տայ, որ Իր կամքը յայտնեց մարդոց: